

Փաւստոս Բուզանդը հաղորդում է. «Եւ Հրաման տուեց թագաւորն [Խոսրով Կոտակ Արշակունին (330-338) - Գ. Ք.] իր զօրավարին՝ աշխարհից բազմաթիւ մշակներ հաւաքել, անտառներից վայրի կաղիմ հանել ու բերել տնկել Այրարատեան գաւառում, սկսելով արքունի ամուր բերդից, որին ասում են Գառնի, մինչեւ Մեծամորի դաշտը՝ այն բլուրը, որ կոչւում է Դուին եւ գտնւում է Արտաշատ մեծ քաղաքի հիւսիսային կողմում: Եւ այսպէս մերի տնկեցին գետի ընթացքով դէպի ներքեւ, մինչեւ Տիկնունի ապարանքը: Նա այս մերին կոչեց Տաճար մայրի: Մի ուրիշ մերի էլ տնկեցին նրանից դէպի հարաւ, եղէգնուտի՝ եզերքով, եւ ամբողջ դաշտը լցրիմ կաղնի տնկով. սրա անունն էլ դրին Խոսրովակերտ: Նոյն տեղում շինեցին նաեւ արքունական ապարանքներ: Երկու մերիներն էլ պարիսպներով փակեցին, առանց իրար հետ կցելու, անցուղարձի ճանապարհի համար: (Մերին) աճեց ու բարձրացաւ: Յետոյ թագաւորը Հրամայեց ամէն տեսակ երէներ ու գազաններ ժողովել ու լցնել պարսպատուած տեղերը, որպէսզի նրա թագաւորութեան որսի՝ զբօսանքի եւ ուրախութեան տեղեր դառնան: Վաչէն [սպարապետ Վաչէ Մամիկոնեանը - Գ. Ք.] անմիջապէս կատարեց թագաւորի ասածները»¹:

Խոսրով Կոտակի անտառատնկման այս ձեռնարկն ինքնին բնապահպանական մեծ նշանակութիւն է ունեցել: Սա, փաստօրէն, բուսական եւ կենդանական աշխարհի վերարտադրութիւն էր, որն, աներկբայօրէն, նպաստել է շրջապատի

միկրոկլիմայի բարելամանը, յատկապէս որ «այդ ժամանակ Հրատն ուղեկցում էր Արեգակին եւ անմաքուր ջերմ օդը գարշելի հոտ էր բուրում»² Երասխի ճահճուտներից:

Մերօրեայ հետազօտութիւնները Գեղամայ լեռնաշղթայի հարաւային լանջերի եւ հարաւ-արեւմտեան լեռնաճիւղերի վրայ, Ազատ եւ Խոսրով գետերի աւազանում (ներկայիս Խոսրովի արգելոցի տարածքում) բացայայտել են կղզեակաձեւ տարածուած, ռելիկտային (մնացորդային) անտառային զանգուածներ: Սրանք համարւում են կենտրոնական Հայաստանում երբեմնի լայն տարածուած կաղնուտների մնացորդներ³: Այսինքն՝ ստացւում է, որ 4-րդ դ. սկզբին Խոսրով Կոտակն անտառատնկելը ձեռնարկել է այստեղ վաղուց ի վեր եղած խոշորառէջ կաղնուտների անտառային զանգուածների հիմքի վրայ, իրականացրել սրանց «վերակառուցմամբ»: Հակառակ դէպքում, Խոսրով արքայի գահակալութեան այս կարճ՝ 7-8-ամեայ ժամանակահատուածում գործնականօրէն հնարաւոր էր «իւրացնել ամայի տարածութիւնները, ստեղծել անտառային կուլտուրաներ, որոնք լաւ խնամքի եւ մշակութեան դէպքում մի քանի տասնեակ տարիներ յետոյ միայն»⁴ կարող էին վերածուել ցանկալի անտառապտուրակների եւ դառնալ «թագաւորութեան որսի՝ զբօսանքի եւ ուրախութեան տեղեր»⁵:

Եթէ վերը նշուածը, գոնէ մասամբ, լուսաբանում է հարցի ե՛լ գործնական կողմը, ե՛լ արքայի յստակ հրամանի՝ այս

տեղերում կաղնետունկ անտառներ հիմնելու որոշակի պահանջը, ապա անտառներից մէկը Տաճար մայրի կոչելը յատուկ խորհելու տեղիք է տալիս՝ ինչո՞ւ Տաճար մայրի:

Տաճար մայրի տեղանունն առաջին բառը ՆՀԲ-ը մեկնում է՝ տուն եւ բնակարան Աստուծոյ, մեհեան կոոց, երկրորդը (ծառատեսակ լինելուց զատ) անտառի հոմանիշն է՝ Իր հիմնած պարսպապատ կաղնետունկ անտառը Խոսրով Կոտակը՝ Տաճար մայրի այսինքն՝ Տաճար անտառ=Սրբազան անտառ=Սրբազան կաղնու անտառ=Կաղնու տաճար կոչելով, դրսեւորեց ժամանակի հասարակական գիտակցութեան մէջ դեռեւս իշխող հին ըմբռնումներ: Իրաւամբ, արքայի կողմից անտառը Տաճար մայրի կոչելն, ըստ էութեան, կաղնեպաշտութեան՝ բնապաշտական հնաւանդ աշխարհայեցողութեան ակնյայտ դրսեւորում է: Կաղնեպաշտութիւնն այնքան նուիրական է եղել մեր ժողովրդի համար, որ ըստ աւանդութեան՝ Հայոց դարձի ժամանակ Գանձակի շրջանի Խաչակապ գիւղի «կաղնու ծառեր պաշտող» բնակիչները հրաժարուել են ընդունել նոր դաւանանքը: Եւ քրիստոնեայ քարոզիչները ստիպուած իւրաքանչիւր կաղնու տակ կանգնեցրել են խաչ՝ նորովի սրբազործելով կաղնիները մէկ առ մէկ⁷: Կաղնեպաշտութեան յիշատակների արձագանքները Հայոց աշխարհում յարատեւել են մինչեւ մեր ժամանակները: Հայոց տարբեր գաւառներում յայտնի էին՝

- ճակատագիր տնօրինող, ցաւեր դարմանող, աղէտներ կանխող՝ «գերբնական», «զօրաւոր», «հրաշագործ» կաղնիներ.

- կաղնուտ պուրակ-ուխտատեղիներ, ուր այցելում էր տեղի բնակչութիւնը, յատկապէս՝ Վարդավառի տօներին՝ գալիք տարուայ առատ բերքի ակնկալի-

քով. - ցանկապատուած կաղնուտ-պուրակներ՝ որպէս սրբազան տարածք, ուր ճամփորդի թողած ցուպն անգամ տեւականօրէն անձեռնմխելի էր⁸: Հայկական լեռնաշխարհում կաղնեպաշտութեան ակնյայտ դրսեւորումներից է նաեւ կաղնի բաղադրիչով կազմուած մատուռ-ուխտատեղիների, գիւղերի, լեռնագագաթների տեղանունների (օրինակ՝ Կաղնուտ, Կաղնուծոր, Կաղնի Խաչ, Կաղնուտ-թումբ...)՝ առկայութիւնը:

Կաղնի-կաղնուտը հին հնդեւրոպական աւանդոյթներում, ընդհանրապէս, ընկալուել է՝ որպէս երկնքի գերագոյն աստծոյ, ամպրոպային շանթառաքի սրբազան կացարան, որն ուղղակիօրէն առնչուում էր որոտ-շանթի, ջուր-անձրեւի, արգասաւորութեան-բեղմնաւորութեան-պտղաբերութեան հետ: Կաղնին՝ «Աստծոյ ընտրեալ - Աստծոյ պարգեւ - Աստուածածառ էր», որի առջեւ կատարւում էր արքայի պաշտօնամուտի արարողութիւնը: Կաղնու տերեւներով հիւսուած թագապսակ կրելով՝ արքան հաղորդակցւում էր գերագոյնի հետ, ստանում՝ ուժ, կորով, զօրութիւն, իմաստութիւն եւ արժանապատուութիւն, դառնում նրա երկրային մարմնաւորումը:

Հին հնդեւրոպական ցեղերի համար կաղնուտները բնական տաճարներ էին՝ սպասարկուող քրմերով, ծէս-արարողութիւններով, ամենամեայ տօնակատարութիւններով: Այստեղ «աստուածային պատգամներն ուղարկւում էին» կաղնիների ճիւղերի տատանումների եւ տերեւների սօսափիւնի միջոցով կամ էլ սրանց հովանու տակ քնածներին՝ մարգարէական երազներ առաքելու միջոցով արդէն ի վերուստ կանխորոշուած ապագայի խորհրդանշաններով, որոնք եւ մեկնում էին քրմերը: Ինչպէս հայցուորների համար էպիլոսում էին մեկնում՝ Դոդոնի

դարաւոր բարձրակատար կաղնու տերեւների սօսափիւնով հաղորդուող Զեւսի «խորհուրդն անթիւր»: Կաղնուտներում իրականացնելով դատավարութեան արարողութիւնը՝ հին սլաւոնները հաւատացած էին, որ հինաւորաց կաղնիների հովանու տակ կայացուած բոլոր որոշումները բարբառուում են աստծոյ ներշնչանքով: Նոյնքան սրբագործուած էին համարուում օրէնքներն արձակուած Գաղատիայի (Փոքր Ասիա) սենատի հաւաքատեղիում, որը կրում էր բնորոշ կելտական անուանում՝ «Դրինեմետում» = «Սրբազան կաղնու անտառ» կամ «Կաղնու տաճար»¹⁰ այսինքն՝ հայ. «Տաճար մայրի» անուան համարժէքը:

Ուրեմն, հնդեւրոպական համատեքստում՝ կաղնուտները պատգամախօսարաններ էին, որտեղ մարդիկ հաղորդակցուում էին աստուածներին, առաջնորդուում նրանց կամքով, արժանանում նրանց բարեգթութեանը: Այսինքն՝ Խոսրով Կոտակի «նորոգած» սրբազան կաղնուտները՝ նախկինում, ամենայն հաւանականութեամբ, պատգամախօսարաններ են եղել: Առաւել եւս, որ այս նոյն տեղերում՝ «Ոստան Հայոց» գաւառի սահմաններում էր գտնուում, Ագաթանգեղոսի յիշատակած, Հայոց դարձի նախօրէին դեռեւս գործող Երազամոյն տեղեր պատգամախօսարան-սրբավայրը՝ Տիր աստծոյ տաճարով¹¹: Անսքող է, երազացոյց-երազահան՝ միջնորդ մարդկանց եւ աստուածների միջեւ, աստուածային պատգամաբեր, աւետաբեր, գուշակող, ճակատագիր տնօրինող, ապաքինող Տիր աստծոյ գործառոյթների առնչութիւնը «երկնային գուշակութիւնների աւետաբեր» (Վերգիլիոս) կաղնիների, կաղնուտ-պատգամախօսարանների հետ¹²: Հնարաւոր է, որ քննուող կաղնուտ-պատգամախօսարանները Տիր աստծուն ձօնուած այս սրբա-

զան հողի՝ Երազամոյն տեղերի բաղադրիչ մասն են կազմել: Ի վերջոյ, տեղերի յոգնակիութիւնը, անտարակոյս, որոշակի տարածութեան վրայ սփռուած լինել է նշանակուած (ընդ որում կաղնուտների այժմ փաստագրուած ռելիկտային զանգուածները սփռուած են կղզեակաձեւ), իսկ պատգամախօսարանի առկայութիւնը ենթադրում՝ յաճախ նաեւ սրբազան պուրակներ, պաշտուող ծառեր ...:

Սկզբնաղբիւրից յայտնի է, որ Փոքր Ասիայից մեր աշխարհ բերուած Արտեմիսի եւ Ապոլոնի պղնձաձոյլ, ոսկեզօծ արձանները կանգնեցուել են նախ՝ Արմաւիր-Սօսեաց անտառ, ապա՝ Բագարան-Մննդոց անտառ պաշտամունքային համալիրներում¹³: Արտաշէս Առաջինը (Ք.ա. II դ.) Արտաշատում կառուցուած է մեհեան «եւ Բագարանից այնտեղ փոխադրուած Արտեմիսի արձանը եւ բոլոր հայրենական կուռքերը, բայց Ապոլոնի արձանը կանգնեցնում է քաղաքից դուրս հուրա ի ճանապարհն»¹⁴: Այս վկայութեանն անդրադարձողները բազմիցս նշել են, որ Ապոլոնի արձանը գտնել են Արտեմիսի արձանից եւ կանգնեցրել նորակերտ մայրաքաղաքից դուրս՝ ճանապարհին, Ապոլոնի, յատկապէս՝ առեւտրի հովանաւորի գործառոյթն ընդգծելու նպատակով¹⁵: Սակայն ժամանակին բնորոշ կրօնական սինկրետիզմի խառնաշփոթութեան պարագայում անգամ, ուղղակի «հուպ ի ճանապարհն» դրուած օտար (նոյնիսկ՝ յունական) դիցարանի աստուածութեան արձանը պաշտամունքային արժէք ունենալ կամ պաշտամունքային հեղինակութիւն վայելել, հետեւաբար, որեւէ պաշտամունքային գործառոյթ կատարել տեղի բնակչութեան համար չէր կարող: Մինչդեռ սկզբնաղբիւրներից յայտնի է, որ օտար երկրներից բերուած, օտար դիցարանների արձանները համադրուել են հայրենի աս-

տուածների հետ եւ տեղադրուել հայրենի հնաւանդ սրբավայրերում¹⁶: Իրաւամբ, զուգադրելով Ագաթանգեղոսի (նաեւ յունարէն բնագրերի ընդգրկումով) եւ Մովսէս Խորենացու վկայութիւնների տեղեկատուութիւնը՝ ստացուում է, որ յուն. Ապոլոնը նոյնացուել է հայ. Տիրի հետ (յուն. Ապոլոնի պատգամատունը=հայ. Երազացոյց-երազահան պաշտամունքի հետ)՝ հետեւաբար դրուել մայրաքաղաքից դուրս՝ «հուպ ի ճանապարհն», այսինքն՝ Տիրին ձօնուած Երազամոյն տեղեր պատգամախօսարան-սրբավայրում: Եւ քանի որ օտար աստուածները համադրուել են հայրենի աստուածների հետ, առանց խաթարելու նրանց առասպելաբանական ինքնութիւնը, ուստի Ապոլոնը նոյնացուել է երազացոյց-երազահան Տիրի հետ՝ որպէս գուշակների հովանաւոր աստուածութիւն եւ որպէս այդպիսին, դրուել Երազամոյն տեղերում¹⁸: Այսինքն՝ ինչպիսին Ապոլոնը հուշակուած էր Յունաստանի եւ թէ Փոքր Ասիայի բազմաթիւ պատգամախօսարան-սրբավայրերում՝ արմաւենու, սոճու, հացենու, ձիթենու եւ դիցանուէր այլ անտառ-պուրակներով հանդերձ¹⁹: Ի դէմս Արմաւիրում կանգնեցուած Ապոլոնի արձանի՝ նոյնպէս ընդգծուել է գուշակների հովանաւոր աստուածութեան փոխառնչութիւնը Սօսեաց անտառ-պատգամախօսարանի հետ²⁰, որտեղ «տերեւների հանդարտ եւ սաստիկ շարժուելուց նայելով քամու ուժին եւ ուղղութեանը՝ մեր Հայոց աշխարհում սովոր էին գուշակութիւններ անել երկար ժամանակ»²¹: Ապոլոնի քննուող գործառոյթը, հաւանաբար, դրսեւորուել է նաեւ Բագարան-Մննդոց անտառ պաշտամունքային համալիրում, որտեղ երազահան մոգի մասին յիշատակութիւնը վկայում է գործող պատգամախօսարանի մասին²²: Եւ, ի վերջոյ, Երազամոյն տեղեր կաղնուտ-պատգամախօսար-

անում Ապոլոն=Տիրը թէ՛ երազներ էր ուղարկում իր քնած հայցուորներին եւ թէ՛ ձիրք ու ներշնչանք պարգեւում քրմերին՝ մեկնելու դրանք: Ի լրումն նշենք, որ պատգամախօս Ապոլոնի փոխառնչութիւնը կաղնուտների պաշտամունքի հետ, նաեւ առանց միջնորդութեան՝ անմիջական էր, քանզի յայտնի էր Ապոլոնն իր Դրիմաս=Կաղնու եւ Իքսիոս=Մագոսի մականուններով²³:

Այսպիսով, Խոսրով Կոտակն իր կաղնետունկ պարսպապատ անտառները հիմնեց՝ նախկին կաղնուտ-պատգամախօսարաններն ընդգրկելով: Եւ քանի որ Հայոց դարձից անցել էր ընդամէնը երեք տասնամեակ, ապա «նորոգուած» եւ ընդարձակուած անտառներից մէկը Տաճար մայրի=Կաղնու տաճար կոչելը տեղի ունեւորական կաղնուտների պաշտամունքի, տակաւին, չմոռացուած յիշատակների բացայայտ արձագանգ էր: Իրաւամբ, նոր կաղնիներ՝ պաշտուող ծառեր բերելու, Տաճար մայրի կոչելու իրողութիւնն ինքնին յուշում է, որ աշխարհընկալման վրայ դեռեւս իշխում են հին աստուածները: «Մէկ դար եւ մի փոքր աւելի՝ պաշտամունքային լեզուն օտար էր, եւ Քրիստոսի վարդապետութիւնը մնում էր անհաղորդ»²⁴: Քանզի, Փաւստոս Բուզանդի վկայութեամբ, «քչերը, որոնք փոքր ի շատէ ծանօթ էին յունական կամ ասորի գրագիտութեան, մասամբ հասկանում էին այդ [նոր կրօնը՝ քրիստոնէութիւնը - Գ. Ք.]», մինչդեռ շատերը «իրենց ժամանակը մաշում էին ... հին հեթանոսական սովորութիւններով... նրանք սիրում էին իրենց առասպելների երգերը, վիպասանութիւնները, նրանցով կրթուում էին, նրանց հաւատում էին, նրանց մէջ յարատեւում»²⁵: Խոսրով Կոտակը եւ իր շրջապատը ժամանակի աշխարհընկալման կրողներն էին՝ այդ

մտայնութեան յընդմիջում ձեւաւորուած անհատականութիւններ:

Այսուհանդերձ, Մովսէս Խորենացին, որ գովաբանում է Հայ Հեթանոս արքաների նմանօրինակ գործունէութիւնը, շուրջ է եւ պերճախօս՝ Երուանդ Վերջինի՝ Երուանդակերտ-Մննդոց անտառի կամ (Վաղարշակ=) Արտաշէս Ա-ի՝ Տայքի Կող գաւառում կերտած անտառապուրակների յիրաւի արքայավայել իր նկարագրութիւններում²⁶, անթաքոյց Հեզնանքով է խօսում Խոսրով Կոտակի անտառատնկման այս ծաւալուն ձեռնարկի մասին: Ըստ Մովսէս Խորենացու՝ Խոսրով Կոտակն, «անփոյթ լինելով քաջութեան եւ բարի յիշատակների, զբաղուած էր զբօսանքներով, թռչնորսութեամբ եւ այլ որսերով, որի համար էլ նա անտառ տնկեց Ազատ գետի մօտ, որ մինչեւ այսօր էլ կոչուում է նրա անունով»²⁷: Պատմահայրը, ձեռքի տակ ունենալով անտառատնկման մասին Փաւստոս Բուզանդի վկայութիւնը, հարկ չի համարել մանրամասնել իր հաղորդումն, անգամ յիշատակութեան արժանացնել Ազատ գետի երկայնքով տնկուած անտառի, արքայի դրոշմած եւ պատմիչի վաւերացրած բուն՝ Տաւար մայրի անունը: Քանզի փոխուել էին ժամանակները, նոր դաւանանքի գաղափարախօսութիւնն աստիճանաբար ներթափանցելով «ազգային հոգեբանութեան մէջ եւ ազգային ըմբռնումներում» հաստատում էր «նոր ազգային-քրիստոնէական մշակոյթի հիմքերը»²⁸: Եւ արդէն Ե. դարում, Մովսէս Խորենացու նման համոզուած եւ ճշմարիտ քրիստոնեայի համար (որ Հայոց ղիցարանը ներկայացնում է, զրեթէ միայն յունական համարժէքներով, իսկ Հայոց հին աստուածներին՝ պատմականացուած նախնիներ), քրիստոնեայ արքայի՝ նման վարքագիծն անհանդուրժելի է: Արդարեւ,

«Ոսկէ դարի» եւ ոչ մի պատմագիր, բացի Փաւստոս Բուզանդից, այլեւս չյիշատակեց Տաւար մայրի տեղանունը: Ղազար Փարպեցին, Ե. դարավերջի քաղաքական դէպքերի կապակցութեամբ, նոյն կաղնետունկ անտառը յիշատակելիս պարզապէս անուանում է Խոսրովակերտ²⁹: Այսինքն՝ վաղ քրիստոնէական Հայ գրաւոր ականդութիւնը մէկընդմիջտ մոռացութեան մատնեց Տաւար մայրի տեղանունը՝ յիրաւի, որպէս Հեթանոսական ժառանգութեան բացայայտ դրսեւորում, եւ երկու անտառն էլ յորջորջեց մէկ ընդհանուր՝ Խոսրովակերտ անունով:

ԾԱՆՕԹԱԳՐՈՒԹԻՒՆՆԵՐ

1 Փաւստոս Բուզանդ, Հայոց պատմութիւն (այսուհետեւ՝ Բուզանդ), Երեւան, 1987, III, Ը: Կաղնետունկ անտառապուրակի «Խոսրովակերտ» հատուածին կ'անդրադառնանք առանձին յօդուածով:
2 Մովսէս Խորենացի, Հայոց պատմութիւն (այսուհետեւ՝ Խորենացի), Երեւան, 1990, III, Ը:
3 Սրանք, գտնուելով Առաջաւոր Ասիայի հարաւային չորային կլիմայի եւ ֆլորայի ազդեցութեան ոլորտում, ծագումով առնչուում են Հիւսիսային Իրանի Ղարաղաղի եւ Չագրոս լեռների անտառային զանգուածների հետ, օգնում բացայայտել Հայաստանում կաղնուտների ծագման առանձնայատկութիւնները, յատկապէս՝ երկրաբանական ու ժամանակաշրջաններում (տե՛ս՝ Յ. Մուրխչեան, Հայկական ՍՍՀ արգելանոցները եւ արգելավայրերը, Երեւան, 1975. Մ. Գ. Գրիգորեան, Խոսրովի արգելոցի բուսական ծածկոյթը, «Հայաստանի բնութիւն», 1976, թիւ 1/35/, էջ 21-24):
4 Լ. Վ. Յարութիւնեան, Անտառապուրակներ եւ կանաչ պուրակներ, Երեւան, 1974, էջ 34:
5 Բուզանդ, III, Ը:
6 Նոր բառգիրք Հայկազեան լեզուի, հտ. II, Երեւան, 1981, էջ 202, 841:
7 Ա. Ղանալանեան, Աւանդապատում, Երեւան, 1969, էջ 174-175, թիւ 456:
8 Արցախի Վարանդայ գաւառում Նոր-Օւն գիւղի Սաղունց կաղնու տերեւներով գուշակում էին. Քերթի գիւղի չորս մեծ կաղնիների բնի հողը քսում էին երեսին, որ մկնատամը բուծուի եւ զոհ էին մատուցում. Հղորդի գիւղի մեծ կաղնին, «Մոշ աղբիւրի» մօտ, բուծիչ սրբատեղի էր. Դոնավազ գիւղի կաղնուն զոհ էին մատուցում.

երբ մորեխ էր գալիս. Հարսու գիւղի կայծակահար կաղնին «գօրատր» էր: Բորչալուի գաւառում. Դսեղի ծմակի բուծիչ՝ կաղնին սուրբ էր համարում եւ կոչում էր «Ջօրատր ծառ»): Օձունի կաղնու ծառերը «ամենայն հիւանդութեան բուծիչ» էին, այստեղ ուխտի էին գալիս: Երբ Իջեւանի Ներքին-Աղղան գիւղի ջահելները պատերազմ էին գնում, ծերերը խորհուրդ էին տալիս՝ «ձեռքներդ քւէք Վարդանի տնկած կաղնուն՝ ձեզ մահ ու մեռ չկայ»: Ս. Վարդանանց տօնին, Կուտկաշէնի Նիծ գիւղի կաղնուտ-սրբատեղի աքաղաղ էին նուէր բերում, սակայն «ձեռ չէին դիպցնում կաղնի ծառերի տակ թափուած ճղներին»՝ դրանք սուրբ համարելով: Իրանի Ղարաղաղ գաւառի Աղալի Բալա գիւղի դարատր կաղնիների պուրակ, աշնանացանից յետոյ, ուխտի էին գալիս եւ խնդրում «առատութիւն» գալիք տարուայ բերքի համար): Քէլվան գաւառակի, Փիրիկոր գիւղի հիւանդաց կաղնիների պուրակ՝ բնակչութիւնը ուխտի էր գալիս տարուայ տարբեր ամիսներին, եւ, յատկապէս, Վարդավաթի տօներին: Ներկայացուած ազգագրական տուեալները մանրամասն տես՝ Ազգագրական հանդէս, հտ. Բ., Թիֆլիս, 1897, էջ 190-203. Ազգագրական հանդէս, հտ. X, Թիֆլիս, 1903, էջ 186, Ա. Ղանալանեան, Աջ. աշխ., էջ 388, թիւ 840, Լ. Խառատեան, Եղիշէ առաքելը եւ նրա առաքելութիւնը, «Հայոց սրբերը եւ սրբավայրերը», Երեւան, 2001, էջ 49-60, Ա. Աւագեան, Իրանի Ղարաղաղ գաւառի հայերի ուխտավայրերը, «Հայոց սրբերը...», էջ 281-288:
9 Թ. Խ. Յակոբեան, Ստ. Տ. Մելիք եւ Բախշեան, Յ. Խ. Բարսեղեան, Հայաստանի եւ յարակից շրջանների տեղանունների բառարան, հտ. 2, Երեւան, 1988, էջ 911:
10 Կաղնի-կաղնուտը հին հնդեւրոպական աւանդոյթներում ներկայացուած է ըստ՝ Հոմերոս, Ոդիսական. թարգմ. Լ. Համբարձումեանը, Երեւան, 1988, XIX, 296-299, Pliny, Natural History (այսուհետեւ՝ NH), vol. IV, London, 1960, XVI. III, 7-11, IV, 9, 10, LXXXVII, 237, LXXXIX, 239, XCV, 249-251, Դժ. Դժ. Փրէզեր, Золотая ветвь, М., 1986, с. 156-159, А. Н. Афанасьев, Древо жизни, избранные статьи, М., 1982, с. 216-217, А. И. Немировский, Этруски. От мифа к истории, М., 1983, с. 113.
11 Ազգաբանագէտու, Հայոց պատմութիւն (այսուհետեւ՝ Ազգաբանագէտու), Երեւան, 1983, Ծ 778. Ծ 779, Լ. Ս. Էփրիկեան, Պատկերագրող բնաշխարհիկ բառարան, հտ. I, Վեներտիկ, 1903-1905, էջ 687: Գ. Քոչարեան, Դուին ամրոց-սրբավայրը Հայոց դարձի նախօրէին, «Հայոց սրբերը...», էջ 289-296:
12 Յաւելեմք, որ Տիր աստուածութեան դիցարանական կերպարի հնագոյն հնդեւրոպական արմատները որոնելիս բացայայտուել է վաղջական աշխարհաբանայեցողութեանն առնչուող

նաեւ նրա բուսական անցեալը – տիր դնել՝ վաղագոյն շարացան համակարգ. տիր՝ մեծահատ. կարմրահատ ցորեն. տիրիփ՝ ուռնու բարակ ճիւղ. որով կապում են խաղողի որթի մատները. տիրիթ՝ դոան սունկ, թիր-տիր՝ տանիքի գերան (մանրամասն տես՝ Գ. Քոչարեան, Դուին ամրոց-սրբավայրը Հայոց դարձի նախօրէին, «Հայոց սրբերը...», նոյնի, Տիր/Տիր աստուածութիւնը «Հայոց մեծաց» սերնդաշարքում.- Լրաբեր հասարակական գիտութիւնների, 2004, թիւ 3):

13 Խորենացի, II, ԺԲ, Խ:
14 Նոյն տեղում, II, ԽԹ:
15 Փ. Ի. Тер-Мартиросов, Фляги как торговая тара, "Проблемы античной истории и культуры", т. II, Ереван, 1979, с. 144, Ֆ. Տէր-Մարտիրոսովի հետ համակարծիք են՝ Ժ. Խաչատրեան, Իրանա-հայկական աղերսների հարցի շուրջ,- Լրաբեր հասարակական գիտութիւնների, 1981, թիւ 2, էջ 58. Գ. Կիրայան, Вопросы преемственности официального культа в античной Армении, "Вестник общественных наук", 1985, 10, с. 62.
16 Հեթանոս Հայաստանի ութ մեհեաններն Ազգաբանագէտուի եւ Մ. Խորենացույ համեմատ. Քննադատական ուսումնասիրութիւն Ա. Կարիէրի, թարգմանեց Լ. Յակոբքոս վ. Տաշեան, Վիեննա, 1899:
17 Ազգաբանագէտու, Ծ 778, Agathangelus und die Akten Gregors von Armenien, Gottingen, 1887, S. 65, 22, Ազգաբանագէտուի Պատմութեան յունական նորայայտ խմբագրութիւնը (Վարք), «Էջմիածին», 1966, Թ-Ժ, էջ 103, Խորենացի, II, ԽԹ:
18 Տիր-Ապոլոն եւ այլ համադրութիւններ քննարկելիս՝ մենք ընդօժեւ ենք՝ Ապոլոնի, յատկապէս, դոների, դարպասների, ճանապարհների պահպան-հովանատրի գործառոյթը (այս մասին տես՝ Գ. Քոչարեան, Դուին ամրոց-սրբավայրը Հայոց դարձի նախօրէին, «Հայոց սրբերը...», էջ 295, նոյնի, Դուինը վաղ Արշակունեաց շրջանում,- ՊԲԸ, 2003, թիւ 3, էջ 206-214):
19 Страбон, География в 17 книгах, М., 1964, VII, VII, 6; XIV, I, 5, 35; XVI, II, 6, Павсаний, Описание Эллады или путешествие по Греции в II-м веке по р. г., СПб., 1887-1889, I, 21, 7; IV, 33, 4; VII, 5, 11; VII, 21, 11-13; IX, 24, 4; X, 33, 11.
20 Գ. Կիրայան, Вопросы преемственности, с. 58, 61.
21 Խորենացի, I, Ի:
22 Նոյն տեղում, II, ԽԸ:
23 А. Ф. Лосев, Античная мифология в ее историческом развитии, М., 1957, с. 273. Мифы народов мира, Энциклопедия, т. II, М., 1982, с. 254. Հնդեւրոպական աւանդոյթներում ամենասրբազանը կաղնին էր եւ նրա վրա աճող

- ճագովը, վերջինիս խորհրդապաշտական՝ նշանակութեան մասին տե՛ս NH. XVI. XCV. 249-251. Անե՛ս՝ Дж. Дж. Фрээр. Зо.юмгя өөтөв. с. 615-623.
- 24 Ա. Մարտիրոսեան, *Քրիստոնէութիւնը եւ ազգային ինքնութիւնը*.- «Աշտանակ», Ինայագիտական պարբերագիրք/. հտ. Ա, Երեւան. 1995, էջ 5-13:
- 25 Բուզանդ, III, ԺԳ:
- 26 Խորենացի, II, 2, ԽԱ, ԽԲ, տե՛ս Անե՛ս՝ Գ. Քոչարեան, «Արքունի ծառայարդ պարանքը»

- Երուանդակերտից առաջ եւ յետոյ*,- Գիտական աշխատութիւններ. հ. II, Գիւմրի. 1999, էջ 120-126, նոյնի, Արտաշէս Ա Բարին որպէս հզօր պետականութիւն կերտող.- Գիտական աշխատութիւններ, հտ. III, Գիւմրի. 2000, էջ 26:
- 27 Խորենացի, III, Ը:
- 28 Արտայայտութիւններն ըստ՝ Ա. Մարտիրոսեան, նշ. աշխ.:
- 29 Ղ. Փարպեցի, *Հայոց պատմութիւն*, Երեւան, 1982, էջ 350-351:

ՐԱՖՖՈՒ «ԽԵՆԹՐ» 125 ՏԱՐԵԿԱՆ Է

Խաչիկ Սամուելեան

1880 թուականի յունիսի 4-ին Թիֆլիսի «Մշակ» լրագրի 92-րդ համարում աւարտուում է Րաֆֆու «Խենթը» վերնագրով վէպի տպագրութիւնը:

Որոշ ժամանակ անց, Շուշիում, Րաֆֆու աշակերտ Աբէլ Ապրեսեանի հոգացողութեամբ, «Խենթը» տպագրուում է նաեւ առանձին գրքով:

2005 թուականի յունիսի 4-ին, Րաֆֆու «Խենթը» վէպը դառնում է 125 տարեկան:

Այս վէպը մեծ ու ծանրակշիռ արժէք ունի գրող Րաֆֆու ստեղծագործական կեանքում: Աչքի ընկնող տեղ է գրաւում նաեւ Հայ վիպագրութեան պատմութեան մէջ: «Խենթը» արժանացել է մեծ ուշադրութեան եւ բարձր գնահատականի Հայ գրաքննադատութեան կողմից: Գրուել եւ տպագրուել են բազմաթիւ հետազօտութիւններ եւ ուսումնասիրութիւններ այս ստեղծագործութեան մասին: Շարքային ընթերցողների կողմից, պարբերական մամուլի միջոցով, «Խենթը» արժանացել է մեծաքանակ դրուատանքների:

Տարիների ընթացքում Րաֆֆու այս վէպը տասնչորս անգամ հրատարակուել է Հայերէն: Եօթ անգամ լոյս է տեսել ռուսերէն եւ երկու անգամ վրացերէն: Թարգմանուել ու տպագրուել է անգլերէն, գերմաներէն, իսպաներէն, չեխերէն, ռումիներէն, թուրքերէն, մոլդաւերէն, վեց անգամ վեր է ածուել պիեսի: Տարբեր թուականների ընթացքում երեսունհինգ անգամ ներկայացուել է այլեւայլ բեմերում:

«Խենթի գրութիւնը ունի ծաւալուն եւ բազմաբնոյթ դրուագներով հարուստ

Ր Ա Ֆ Ֆ Ւ

Խ Ե Ն Թ Ր

Երկաներ վերջին Ռուս-թուրքական պատերազմից

ՀՐԱՏԱՐԱՆԻՉ ԱԲԷԼ ԳԱՒԹԵԱՆ ԱՂՐԵՍԵԱՆԷ

Շ Ո Ւ Շ Ի

Ի ՏԳԱՐԱՆԻ ՄԻՐԱԶԱՆԻ ՄԱՀՏԵՍԻ-ՑԱՆՔԵԱՆԷ

1881

պատմութիւն: Յայտնի է, որ 1877 թուականի օգոստոսի վերջերին Րաֆֆին իբրեւ մանկավարժ հրաւիրուում է Ագուլիս, երկսեռ դպրոցում վարելու Հայոց լեզուի եւ պատմութեան դասատուի պաշտօնը: Նա միաժամանակ «Փորձ» ամսագրի խմբագիր Աբգար Յովհաննիսեանից յանձնարարութիւն է ստանում «հետազօտել Հայոց գաղթականների վիճակը, որոնք Ռուս-թրքական պատերազմի պատճառով Դհարից նահանջող Տէր-Ղուկասովի զօրքերի հետ անցել էին Ռուսահայաստան եւ ապրուստ էին որոնում Երեւանեան նահանգի գաւառներում»: